

聖旨這斯悔改違榜例又行賭博不必審問只枷號一箇月滿日照例發落以後再有賭博的法司問擬輕重等第明白來說該衙門知道欽此

賭博輕重不必請

旨例

成化四年二月九日大理寺為不應事據左寺案呈該刑部廣東清吏司節次發審犯人馬玉等各犯該違

制杖罪審擬合律該本司官

具題次日節該奉

聖旨今後賭博輕的照例發落不必請旨欽此欽遵外合仰右寺抄案轉行刑部都察院問刑衙門欽此施行賭博行查平昔有無非為情重問擬枷號奏

請及禁無引客商宿娼年盜賊四鄰不首官強盜准首免追却分贓物

件強盜事成化十年五月內刑科給事中郭鍾奏該都察院等衙門石副都御史等官李 等題

准京城遊手之徒違例賭博年無引客商宿娼無藉非為俱就等送法司究問情輕者照依常例發落如係自來不務生理專一賭博酌酒撒潑誑騙竊盜不孝不第曾經法司問斷及開張賭坊情重者仍擬枷號一月奏

請定奪其強盜若將自己及同類打劫情由首者免罪所分贓物照例不追數內若有殺傷者同伴不知情亦准首免鄰里富家知情隱匿不首被盜四鄰不行聲叫救護及地方應捕官兵人等故縱不行挨拏俱依律問罪其南京守備內外等官在外備行巡撫巡按等官一體嚴加禁約挨拏施行

京城內外官民之家不許容留不務生理之人并禁約開張印子鋪面賭坊例